


**АКАФИСТ**  
**СВЯТЫМ МУЧЕНИКАМ**  
**Гурию, Самону и Авиву**



# АКАФИСТ

СВЯТЫМ МУЧЕНИКАМ  
Гурию, Самону и Авиву



Болгар



# Акафист СВЯТЫМ МУЧЕНИКАМ Гүрню, Самону и Авиву

## *Кондак 1*

Избранныи страстотерпцы Христо́вы и му́жественнии исповѣдницы святыя вѣры Его́, от руки́ Вседержителя приявши венцы́ победы и со а́нгелы предстоящи Его́ Престо́лу, пѣсньми восхваля́ем вы с вѣрою и усердно к по́мощи ва́шей прибега́юще, мо́лим вы с лю́бовию, моли́твами ва́шими от вся́ких нас бед и ско́рбей свободите, да зове́м вам:

**Ра́дуйтеся, страстотерпцы Христо́вы Гүрие, Само́не и Авиве, честна́го супру́жества христи́анскаго покрови́телие.**

## Икос 1

А́нгелов сожителие и челове́ков заступни́цы вои́стину яви́лися есте́, мученицы достохва́льнии, благоволе́нием всех Творца́ Христа́





Бо́га, Его́ же возлюбѣли есте́, и за Него́ пострада́ли есте́ да́же до кро́ве во испове́дании непоколебѣмом. Те́мже примѣте от нас сѣя хвалѣния:

Ра́дуйтеся, звезды́ пресвѣтлыя благоче́стия; ра́дуйтеся, свети́ла, во тьме нечѣстия пресла́вно возсия́вшии.

Ра́дуйтеся, злове́рия идо́льского обличи́телие; ра́дуйтеся, ве́ры христи́анския не боя́зненнии проповѣдницы.

Ра́дуйтеся, Ева́нгельскаго уче́ния до́брии послу́шателие; ра́дуйтеся, зако́на Господ́ня тепле́йшии хранѣтелие.

**Ра́дуйтеся, страстоте́рпцы Христо́вы Гúрие, Само́не и Авѣве, честна́го супру́жества христи́анскаго покровѣтелие.**

## ***Кондак 2***

Ви́дяще Христо́с Господ́ь добродѣтельное жити́е ва́ше, святѣи Гúрие, Само́не и Авѣве, ѣмже я́ко свети́ла не́цыи во гра́де Еде́ссе просия́ли есте́, сподо́би вы за ѣмя Его́ ча́шу страда́ний испѣти и тем приско́рбным и у́зким путе́м вни́ти в Ца́рствие Его́, иде́же ны́не со а́нгелы и все́ми святы́ми водворя́етесь пою́ще Бо́гу: Аллилу́иа.



## Икос 2

Разум богопросвещенный дарова́ся вам, святѣи мученицы, ѣмже ясно проразумѣли естѣ тщету́ душепа́губную зловерія ідо́льскаго, и она́го уклонѣтися, Христа́ же взыска́ти потщѣлися естѣ вседу́шно. Те́мже взыва́ем вам:

Ра́дуйтеся, блаже́ннии послѣдователие Христо́вы; ра́дуйтеся, любѣтелие заповедей Его преѣскреннии.

Ра́дуйтеся, крѣни благоуха́ннии ра́я пре-вы́шняго; ра́дуйтеся, цвѣты прекра́снии вертогра́да Иису́сова.

Ра́дуйтеся, бога́тство земно́е ни во что же вмени́вши; ра́дуйтеся, стяжа́ния тле́нная, я́ко сор вмени́вши.

Ра́дуйтеся, страстоте́рпцы Христо́вы Гу́рие, Само́не и Авѣве, честна́го супру́жества христиа́нскаго покровѣтелие.

## Кондак 3

Сѣла Вы́шняго укрепѣ вы на по́двиг стра-да́льческий, исповѣдницы святѣи, егда́ бо к нечестѣвому игѣмону Анто́нину приведе́ни бы́сте, я́ко наста́вницы про́чих христиа́н гра́да Еде́ссы, с ра́достным лицѣм предста́-



сте пред мучителем дерзновенно исповѣдывая веру Христову и вдохновенно поя Ему: Аллилуиа.

### Икос 3

Имѣя зловерием потемненная очи душевные, не восхотѣ игемон Антонин приникнуть в разум словес ваших Божественных, но первое словесы ласкательными искушаше вы, святїи, желаяюще от Христа вы отвратити, но видя вы в вере и исповѣдании Христове непреклонны, в темницу прочную вверже вы. Мы же ублажаяще вы, глаголем:

Радуйтесь, Христа вседушно возлюбивши; радуйтесь, за имя Его в темницу мрачную ввержении.

Радуйтесь, апостолом поревновавши; радуйтесь, учения Христова проповѣдницы немолчнии.

Радуйтесь, благовѣстия Евангельскаго уста благоглаголивая; радуйтесь, словеса жизни вечныя провещавающии.

**Радуйтесь, страстотерпцы Христовы Гуріе, Самоне и Авиве, честнаго супружества христіанскаго покровителие.**





## **Кондак 4**

Буря злѡбы и люѡтости прииде на вы, святїи исповѣдницы Гуріе и Самѡне, егда вмѣсто игемона Антонїна прииде в Едѣссу по повелѣнію царѣву искореняти тамо веру Христову правитель ѡбласти тоя Музанїй, сей бо вы яко агнец незлѡбивых, покушающесе мѹками отвратїти от Христа ко своему нечѣстию, но ничтѡже успе, вы бо среди мучїтелей Христа воспевали немѡлчно зовуще: **Аллилуїа.**

## **Икос 4**

Слышав увещательныя ваша глаголы, мучитель ваш Музанїй, аспиду глухѡму уподѡбїся, сугубыми ранами уязвляху тѣло ваше многотерпелївое, Гуріе, Самѡне святїи, яко не быти на нем мѣста цѣла и неуязвлена. Дивящесе ѹбо величеству терпѣния вашего зовѣм вам:

Радуйтесе, учїтелие благочѣстїя; радуйтесе, посрамїтелие нечѣстїя.

Радуйтесе, ранами, яко ѹтварьми многоцѣнными украшенїи; радуйтесе, кровїю вашею, яко багрянїцею, облечѣнїи.





Ра́дуйтесь, страда́нием сочета́вшиися Хри-  
сту́, ра́ди на́шего спасе́ния распя́тому; ра́-  
дуйтесь, ликовству́ющие ны́не в черто́зе  
небе́снаго Домовлады́ки.

**Ра́дуйтесь, страстоте́рпцы Христо́вы Гúрие,  
Самóне и Авíве, честна́го супру́жества хри-  
стиа́нскаго покрови́телие.**

### ***Кондак 5***

Богому́дрым пропове́дником апо́столом,  
за и́мя Христо́во ра́достно му́ки и ра́ны при-  
е́мшии, подража́ли есте́ во страда́нии ва́шем,  
Гúрие и Самóне, вопия́ сопроти́в му́чащих вы:  
«Христа́ чтем, Его́ Еди́наго лю́бим и умре́ти  
за Него́ прии́скренне желáем, да с Ним жи-  
вём во ве́ки, зову́ще: Аллилу́иа».

### **Икос 5**

Ви́девше вас злочести́вый мучи́тель Муза́-  
ний непрекло́нны и непобеди́мы испове́дники  
Христо́вы, суди́ вы на ме́чное усече́ние, понé-  
же ведóми, Го́спода моля́ше в ми́ре прияти  
ду́ши ва́ша и та́ко до́бльственно течéние своё  
сконча́вши, прешли́ есте́ к оби́телем небе́сным,  
от нас же земных слы́шите похвалы́ сия́:







Ра́дуйтеся, испове́дницы Христо́вы непо-  
бедíмии; ра́дуйтеся, адама́нты терпéния  
крепча́йшии.

Ра́дуйтеся, за прелюбе́знаго вам Иису́са  
ду́ши сво́й положи́вшии; ра́дуйтеся, за  
пресла́дкое и́мя Его́ под меч о́стрый без-  
стра́шно гла́вы сво́й подклони́вшии.

Ра́дуйтеся, чудотворéния благода́тию от  
Го́спода обогащённии; ра́дуйтеся, целёб  
пода́телие всеблагíи.

**Ра́дуйтеся, страстотёрпцы Христо́вы Гúрие,  
Самóне и Авíве, честна́го супру́жества хри-  
стиа́нского покровíteлие.**

### ***Кондак 6***

Проповéдником и подража́телем жити́я  
ва́шего, святы́и Гúрие и Самóне, во лётех мно́-  
зех во гра́де Едэссе бы́сть диа́кон не́кий и́ме-  
нем Авíв, сей бо егда́ нечестивый царь Лики́-  
ний воздви́же гонéние на христиа́ны, му́же-  
ственно увещева́ше вся véрующия во Хри-  
ста́ в Едэссе не устраша́тися грядúщих испы-  
та́ний, но до́блественно подража́ти в испове́-  
дании святы́я véры, святы́м му́чеником Гúрию  
и Самóну и невозбра́нно пéти Бо́гу: Аллилу́иа.



## Икос 6

Свет славы небесныя осия лице твое, святе Авиве, егда добровольно вдался еси в руки мучителей, ищущих тя по повелению игемона Ликиния, и представши пред ним, мужественно исповедал еси себе быти христианином и исповедником святыя веры, подобяся сим, прежде пострадавшим Гурию и Самону, за сие прими купно с ними похвалы сия:

Радуйтесь, Бога Вышняго победоноснии служителие; радуйтесь, веры Христовы громогласнии исповедницы.

Радуйтесь, идольския прелести дерзновеннии обличителие; радуйтесь, славы Божия неустрашими проповедателие.

Радуйтесь, скорбящих всежелательное утешение; радуйтесь, нищих изобильное богатство.

**Радуйтесь, страстотерпцы Христовы Гурие, Самоне и Авиве, честнаго супружества христианскаго покровителие.**

## *Кондак 7*

Хотяще нечестивому Ликинию от истинныя во Христа веры тя, святе Авиве, отвра-



тѣти многоразличными мѹками, удручаше святѡе и многотерпеливое тѣло твоѡе, их же ты мужественно претерпѣл еси, поя Сладчайшему Господу Иисусу: **Аллилуиа.**

## Икос 7

Нѡвыя кѡзни противу тебѣ, святе Авиве, измышляя злочестивый мучитель, ничтѡже в них успѣ во ѡже отвратити тя от святѹя вѣры во Христа, и в безсильной ярости сѹще, осуди тя на сожжѣние во огнѣ, ты же, славне, возблагодарив Бѡга, с радостным лицѣм потѣкл еси к мѣсту казни своея, провождаемый материю своею и прочими сродниками и знаемыми, горце плачущими и рыдающими, их же ты увещевал еси не плакати, но паче радоватися, яко ко Христу грядѣт, идеже бѹдет непрестанно молитися о них, и тако их утѣшив и дав им последнее целованіе, с молитвою вниде в пламень огненный, идеже вскоре предаде дух свой Господу и, о дивное чѹдо, егда огонь погасѣ, обретеся тѣло твоѡе, святе страсотѣрпче, цело и, невредимѡ, ѡже матери твоя со сродники своими приѣмши и миром



святы́м пома́завши, погребо́ша тя при гробе́ пре́жде пострада́вших му́чеников Гу́рия и Само́на, взыва́юще к вам, святы́и испове́дницы, си́це:

Ра́дуйтесь, гра́да на́шего Еде́ссы похвало́ и утвержде́ние; ра́дуйтесь, и всея́ вселе́нная сла́во и похвалéние.

Ра́дуйтесь, многообра́зныя болéзни за царя́ Христа́ Бо́га претерпе́вшии; ра́дуйтесь, я́ко пред лицéм челове́ческим а́ще и му́ку прия́ли есте́, упова́ние же ва́ше безсме́ртна испóлнено е́сть.

Ра́дуйтесь, я́ко ва́ми от мно́гих ран грéшнии исцеля́ются; ра́дуйтесь, я́ко призыва́ющих вы на по́мощь ми́лостивно ско́рого посещéния сподобля́ете.

**Ра́дуйтесь, страстотéрпцы Христо́вы Гу́рие, Само́не и Авíве, честна́го супру́жества христи́анскаго покровíteлие.**

### ***Кондак 8***

Стра́нно е́сть ви́дети ме́ртвенная тела́ ва́ша, святы́и Гу́рие, Само́не и Авíве, во гробе́ лежа́щих и недуги́ многообра́зныя врачую́ще; но ве́руем несомне́нно, я́ко моща́ми ва́шими,



аще и в Едессе почиваете, но духом вашим здесь с нами пребываете, предстоящими пред святой иконой вашей, на нюже с верою взирюще, Христу, тако вас прославльшему, немолчно вопиём: **Аллилуиа.**

## Икос 8

Вси в вышних есте, угодницы Божии, во светлости святых торжествующи, и наслаждаетесь неизреченных благ небесных; вемы же, яко и нас земных и перстных не забываете, но от горних высот милостивно к нам приникаете, подвизая нас чествовати вас сими похвалами:

Радуйтесь, благочестия утверждение; радуйтесь, православия похвало.

Радуйтесь, многострадальныя розги винограда Христова; радуйтесь, граждане горняго града Иерусалима Небеснаго.

Радуйтесь, царствия Христова наследницы; радуйтесь, вечныя блаженныя жизни сопричастницы.

**Радуйтесь, страстотерпцы Христовы Гурие, Самоне и Авиве, честнаго супружества христианскаго покровителие.**



## **Кондак 9**

Вси а́нгелы небесны́е восприя́ша вы ра́до-  
стно во оби́тели райския, страда́льцы богому́д-  
рии Гу́рие, Само́не и Авíве, иде́же святы́я  
ва́ша ду́ши, огнём страда́ний искуше́нныя,  
по́честъ победную восприя́ше от Христа́ Бо́-  
га на́шего, победного Мздовозда́теля подвиг-  
за́ющихся за и́мя Его́ свято́е на земли́; про-  
славля́я бо их на небеси́, с го́рними во́и у  
Престо́ла Своего́ предстоя́ния сподобля́ет,  
иде́же поётся Ему́ немол́чно песнь: **Аллилу́иа.**

## **Икос 9**

Витийством злочестивым и прельщением  
лукавым не уловлены пребыли есте, страсто-  
терпцы святии, изволивше паче умерети, неже  
Христа́ и ве́ры Его́ святы́я отрещи́ся; тем-  
же я́ко до́блих исповедников Христо́вых уб-  
лажа́ем вы зову́ще:

Ра́дуйтесь, пречу́дное му́жество явившии;  
ра́дуйтесь, я́ко просвещени бы́сте заре́ю  
Пресвята́го Ду́ха.

Ра́дуйтесь, я́ко страх малоду́шный от себе́  
отрясли́ есте; ра́дуйтесь, я́ко щито́м ве́ры  
оградилы́ есте.



Ра́дуйтеся, ско́рии помо́щницы всех в ско́рбех су́щих; ра́дуйтеся, бы́стрии ус-лы́шателие всех прося́щих заступле́ния ва́шего.

**Ра́дуйтеся, страстоте́рпцы Христо́вы Гу́рие, Само́не и Ави́ве, честна́го супру́жества хри-стиа́нскаго покрови́телие.**

### ***Кондак 10***

Спасти́ся нам при́скренне желáя, моли́-теся за ны горе́ у Престо́ла Бо́жия, страда́ль-цы Христо́вы Гу́рие, Само́не и Ави́ве, и ва́ши-ми моли́твами посóбствуете нам в стра́нствии многотру́днем земна́го жити́я, е́же в пока́янии и благоче́стии сконча́ти, да сподо́бимся кúп-но с ва́ми воспева́ти Христу́ Бо́гу: Аллилу́иа.

### **Икос 10**

Стéну защи́щения обре́те в вас, свя́тии испове́дницы, деви́ца она́я, кова́рне похи́щен-ная го́тфянином не́киим, и́же прия́т ю́ от ма́-тери ея́, в поручи́тели призва́вших вас, свя-ти́и. Воспомина́юще сиé, к вам уми́льне гла-го́лем:



Ра́дуйтеся, под кров свой всех беззащитных мѣлостивне приѣмлющи; ра́дуйтеся, защѣто и покрѣве всех в бѣда́х сущих.

Ра́дуйтеся, о́ной в бѣдствии впáдшей деви́цы, скоромѣщнейшиѣ заступни́цы; ра́дуйтеся, злой у́мысел о́наго гѣтфянина скѣро пресѣкшии.

Ра́дуйтеся, клятвопреступлѣния супру́жеской вѣрности грѣзнии наказáтелие; ра́дуйтеся, оставленнх и зле обмáнутых мужья́ми жен защѣтницы.

**Ра́дуйтеся, страсотѣрщы Христо́вы Гѣрие, Самѣне и Авѣве, честна́го супру́жества хри́стиáнскаго покровѣтелие.**

### ***Ковдак 11***

Пѣние похва́льное принесѣ вам о́ная деви́ца, егда́ вы, святи́и, скоротѣчне предста́вите по возду́ху из страны́ гѣтфской, иде́же она́ бысть заключѣна невѣрным гѣтфянином во грѣбе живѣй сущей, в храм ваш во Едѣссе, поста́вивше ю́ живу и невредѣму у ра́ки мощей ва́ших, иде́же припа́дши, со слезáми взыва́ше: Аллилу́иа.





## Икос 11

Свѣтом чудес дѣвнх и преславных осияваемы, святїи Гуріе, Самоне и Авїве, покровителями и защитниками супружеския вѣрности и чистоты, от православных христиан по достоянїю ублажаетеся, ибо дѣвною помощю и заступлением оной древле отроковицы, вверженной невѣрным и злоковарным мужем в гроб на смѣрть горькую, немолчно призывавшую вы на помощ, яве всему миру показали есте, яко дана вам от Бога благодать заступати и охраняти супружескую вѣрность и чистоту, темже от нас примите сїя похвалы:

Радуйтеся, благочестивых супругов христианских небеснии покровителие; радуйтеся, невѣрных и коварных мужей и жен, оскверняющих чистоту христианскаго брака, грознии наказателие.

Радуйтеся, яко вашими молитвами невѣрнии супруги на путь истинной семейной жизни наставляются; радуйтеся, яко вашею небесною помощю нарушители брачных обѣтов в разум истины приходят.



Ра́дуйтесь, оста́вленных супру́гов благии  
уте́шителие; ра́дуйтесь, незрѣ́мии воспи-  
та́телие оста́вленных дете́й сих супру́-  
жеств.

**Ра́дуйтесь, страстоте́рпцы Христо́вы Гу́-  
рие, Само́не и Ави́ве, честна́го супру́жества  
христиа́нскаго покровѣ́телие.**

### ***Кондак 12***

Благода́ть дана́ вам от Бо́га, святѣ́и муче-  
ницы Гу́рие, Само́не и Ави́ве, покрыва́ти и  
охраня́ти свя́тость христиа́нских бра́чных  
сою́зов. Те́мже мо́лим вы, уго́дницы Бо́жии,  
ходата́йствуйте пред Го́сподом Бо́гом, да мир,  
сою́з и любо́вь всегда́ пребыва́ют среди́ су-  
пру́гов христиа́нских и да в ра́зум и́стины при-  
иду́т заблуждшии супру́ги, да мы вси ра́до-  
стно воззове́м о сем: Аллилу́иа.

### **Икос 12**

Пою́ще ва́шу страда́льческую кончи́ну,  
прославля́ем мно́жество чуде́с, я́же источи́-  
ли есте́ от святы́х мо́щей ва́ших и чудотво́р-



ных ико́н ва́ших, се бо и ны́не предсто́я пред свято́ю ико́ной ва́шею, усер́дно мо́лим вы, святы́и му́ченицы и испове́дницы Гúрие, Само́не и Авíве, да царít среди́ супру́гов христиа́нских мир, любóвь и соглáсие, да процветáет среди́ них благоче́стие и чистотá, да исче́знут среди́ них рáспри и несоглáсия, да прославля́юще ва́ше мило́стивое и ско́рое заступле́ние, усер́дно благодарím Бо́га, и вам та́ко зове́м:

Ра́дуйтесь, отра́до и утеше́ние супру́жеств благоче́стивых; ра́дуйтесь, незримо охрaня́ющие целомúдренно живу́щих в бра́ке.

Ра́дуйтесь, я́ко ва́шим наставле́нием заблúждшии супру́ги свы́ше вразумля́ются; ра́дуйтесь, я́ко вновь среди́ сих заблúждших супру́гов, ва́шими моли́твами любóвь и соглáсие водворя́ются.

Ра́дуйтесь, согрешáющих супру́гов исправле́ние; ра́дуйтесь, заблúждших мужей и жен благи́и наста́вницы.

**Ра́дуйтесь, страсотер́пцы Христо́вы Гúрие, Само́не и Авíве, честна́го супру́жества христиа́нского покровíteлие.**



## **Кондак 13**

О святїи сла́внии и добропобѣднии муче-  
ницы и исповѣдницы Гúрие, Самóне и Авíве,  
мíлостивно приѣмше сие ма́лое молѣние  
на́ше, умо́лите Царя́ ца́рствующих и Го́спода  
госпо́дствующих, Христа́ Бо́га на́шего, избá-  
вити нас от вся́кя бѣды, скóрби, ну́жды и на-  
па́сти в жи́зни сей, наипáче же святы́ми мо-  
лѣтвами ва́шими да пребывáет среди́ супру́-  
жеств христиáнских мир, любóвь и единомы́-  
слие, да приидúт в рáзум и́стины и облагора-  
зúмятся живúщи в разделѣнии заблúждшие  
супрúги и да вновь, позабы́в вся прѣжняя и  
простѣв по-христиáнски друг дру́га, соединя́т-  
ся, прославля́юще вас, благі́х покровітелей  
и заступников всегда́ зовúще, просла́вльше-  
му вы Го́споду: Аллилу́иа.

*(Этот кондак читается трижды).*

## **Икос 1**

А́нгелов сожителие и челове́ков заступни-  
цы вои́стину явѣлися есте́, мученицы досто-  
хва́льнии, благово́лением всех Творца́ Христа́  
Бо́га, Его́ же возлюбѣли есте́, и за Него́ по-  
страда́ли есте́ да́же до кро́ве во исповѣдании



непоколебимом. Тѣмже примите от нас сїя хвалѣнія:

Рáдуйтесь, звезды пресвѣтлыя благочестія; рáдуйтесь, свѣтила, во тьме нечестія преслáвно возсиявшии.

Рáдуйтесь, зловерія идольскаго обличителие; рáдуйтесь, веры христіанскія не боязненнии проповѣдницы.

Рáдуйтесь, Евáнгельскаго учѣнія дóбрии послушателие; рáдуйтесь, закона Господня теплѣйшии хранителие.

**Рáдуйтесь, страстотѣрцы Христовы Гúрие, Самóне и Авíве, честнаго супружества христіанскаго покровителие.**

### ***Кондак 1***

Избрáннии страстотѣрцы Христовы и мýжественнии исповѣдницы свѣтыя веры Егó, от руки Вседержителя прїявшии венцы победы и со áнгелы предстоящи Егó Престо́лу, пѣсньми восхваляем вы с верою и усердно к по́мощи вáшей прибегающе, мо́лим вы с любовію, мо́литвами вáшими от всяких нас бед и скорбей свободите, да зовѣм вам:

**Рáдуйтесь, страстотѣрцы Христовы Гúрие, Самóне и Авíве, честнаго супружества христіанскаго покровителие.**



## Молитва


О святїи мученицы Христовы и исповѣдницы неустрашимии Гуріе, Самоне и Авиве. Услышите нас, пред святою иконою вашею молящихся и просящих вашея помощи и заступленія! Данá бо вам благодать от Бóга, святїи угóдницы Егó, быти покровителями и защитой благочестивых супружеств христіанских, сего ради днесь прославляюще пáмять мученическа кончіны вашея, усердно просим вы: молите Христа Бóга нашего, да пребывает среди супругов христіанских незыблемо мир, согласіе, взаимная любовь и вѣрность, да процветает среди них благочестіе и чистота!

Заблудших же супругов и оставльших друг друга, вашими святыми молитвами вразумите и на путь истины их, заблудших и в ожесточеніи друг к другу живущих, наставите и вновь



к дóброму христиáнскому житию́ со-  
вокупíte. Ей, угóдницы Бóжи, моли́-  
теся па́ки да не погíбнем во гресéх  
на́ших, примíte сей глас молéния  
на́шего. Да вь́ну ва́шими моли́твами и  
предста́тельством охраня́емии, про-  
сла́вим Го́спода Иису́са Христа́, Ему́-  
же подобáет всякая сла́ва, че́сть и  
поклонéние со Безнача́льным Отце́м  
и Пресвяты́м Ду́хом, во ве́ки веко́в.

**Ами́нь.**



## Тропарь, глас 5

Чудеса святых Твоих мученик  
стену неборимую нам даровавый,  
Христе Боже, тех молитвами  
советы языков разори, Церковь  
святую укрепи, яко един Благ  
и Человеколюбец.